



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

CXXVIII. Decreta Capituli Gen. Congregat. Reformatæ Ord. Cistercien.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Autem inviolabiliter observari: sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus Constitutionibus, & Ordinationibus Apostolicis, ac Congregationis Mantuanæ, & Ordinis præfatorum, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis, Quibus omnibus, & singulis, illorum tenores pro plene, & sufficienter expressis, ac ad verbum insertis habentes, illis alias in suo robore permansuris, ad præmissorum effectum, hac vice dumtaxat specialiter, & expresse derogamus cæterisque contrariis quibuscumque.

§. 6. Volumus autem, ut earumdem præsentium literarum transcriptis, seu exemplis, etiam impressis, manu alicujus Notarii publici, & sigillo personæ in Ecclesiastica dignitate constitutæ munitis, eadem prorsus fides ubique locorum, tam in Judicio, quam extra illud habeatur, quæ ipsis præsentibus haberetur si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die XXX. Januarii MDCC. Pontificatus Nostri Anno Nono.

CXXXVIII.

Confirmantur quedam Decreta Capituli Gen. Congregationis Reformatæ S. Bernardi Ord. Cistercien.

*De facultate Capituli Gen. vide Clem. VIII. Const. ed. 1595. Et Clem. XI. Const. ed. 1710. Sept. 25. P. 10. extant quedam Decreta super recitatione Officiorum.*

Die 17. Febr. 1700. An. 9.

INNOCENTIUS PAPA XII.

*Ad futuram rei memoriam.*

Capituli Generalis an. 1699.

Exponi Nobis nuper fecerunt dilecti filii Monachi vocales nuperi Capituli Generalis Congregationis Reformatæ Sancti Bernardi Ordinis Cistercien. die 11. Maji anni proxime præteriti 1699. in Monasterio Sanctæ Pudentiænæ de Urbe dictæ Congregationis celebrati, quod cum alias multæ additiones ad Constitutiones ejusdem Congregationis juxta facultates, & ad præscriptum quarundam fel. rec. Clementis Papæ VIII. Prædecessoris Nostri literarum in simili forma Brevis anno 1595. expeditarum, per quas dictæ Constitutiones confirmatæ fuerant, a diversis anterioribus Congregationis præfatæ Capitulis generalibus factæ fuerint, novissime in nupero Capitulo generali supradicto pro majori ejusdem Congregationis bono, & utilitate, edita fuerant nonnulla Decreta in novem Articulis distincta, tenoris, qui sequitur, videlicet.

Decreta.

§. 1. Decreta confecta in Capitulo generali Monachorum Reformatorum Sancti Bernardi Ordinis Cistercienensis celebrato in Monasterio Sanctæ Pudentiænæ de Urbe die 11. Mensis Maji 1699. Primo Superior Localis præcipue in parvis Monasteriis possit subditos renuentes obligare sub præcepto Sanctæ Obedientiæ ad exercenda officia ab ipso imposita, quando nulla adest in contrarium rationabilis causa, servata tamen forma Constitutionum circa hunc præcipiendi modum. Secundo Conversi, & Donati sive solemniter, sive simpliciter professi, diebus Dominicis, & festis, quibus vacatur, convenient ad

De auctoritate Superiorum.

De Donatis.

omnes horas Canonicas &c. ut in Constitutionibus Cap. 13. n. 5. pag. 96. Tertio. Cum unius triennii spatium nimis breve sit ad omnes Theologicos Tractatus habendos indeque fiat, ut ad animarum, tum Nostrarum, ac aliorum instructionem utiliores Tractatus præmittantur: In posterum, qui Sacræ Theologiæ Scholasticæ Lectores deputati fuerint per quadriennium saltem idem munus prosequantur, quo tempore teneantur studentes sibi commissos edocere omnes tractatus distributos, ut infra: Anno primo de Deo uno, & Trino. Anno 2. de Angelis, de Beatitudine, & de actibus humanis. Tertio Tractatus de vitis, & peccatis, de Divina gratia, & de virtutibus Theologicis. Anno Quarto de Incarnatione, de Sacramentis in genere, de Sacrosancta Eucharistia, & de Pœnitentiâ; Lectores autem Theologiæ moralis unico triennio integrum Theologiæ moralis cursum conficiant, & præter hujus quotidianam lectionem, habeant etiam lectionem Sacræ Scripturæ bis vel ter in hebdomada; horis tamen stabiliendis a Superiore locali, quibus Lectoribus sedulo munus suum exequentibus omnia conceduntur privilegia, quibus alii Lectores fruuntur. Præcipimus insuper Lectoribus, ut animarum potius utilitati consulentes, quam ingenii ostentationi studentes eas sententias edoceant, quæ communiores, & probabiliore sunt, quod si quacumque de causa, qui in studii principio deputatus fuerit Lector, munus suum prosecutus non fuerit; tunc Lector subrogatus Tractatus nondum traditos edoceat, ita ut nunquam initium fiat a primo Tractatu de Deo quia omnes supradicti Tractatus fuerint expleti; studentes vero Lectoribus suis omni humilitate, & charitate obsequantur: Si quis vero e studentibus cum Lectore suo verbis procacibus sive in studio, sive foris altercare, aut in eundem aliquid moliri, vel eadem detrahare ausus fuerit, is præter congruam satisfactionem eidem dandam pro prima, & secunda vice pœna gravi mulctetur; si vero tertio in idem incidit, mulctetur pœna graviori, & a studio removeatur; Injungimus etiam Superioribus Monasteriorum studiis deputatorum, ne studentibus aliquod munus mandent, quod eidem vagationis, aut distractionis a studio causam præbeat, sed omnino invigilent, ut totaliter studio, cui deputati sunt, incumbant: Item quantum fieri poterit conferentiis, quæ per hebdomadam fiunt, assistere satagant, & sæpe inopinato dum lectio reperitur, aut argumentum sit, in studium se conferant: præcipue in disputationibus, & conferentiis hebdomadariis, & mensalibus, quæ omnino fieri debent: Sic etiam melius negligentes corrigent, & castigabunt, & diligentibus animam adjicient: Studentes tandem quotidianæ recreationis tempore omnes in unum convenient circulum & de suis lectionibus disserant, disputent, & argumententur. Non autem solum Superiores Locales, sed etiam Visitatores Provinciales invigilent super his, & aliis in Rituali contentis legibus observandis, & transgressores omnino corrigant, & castigent; Lectores vero Philosophiæ teneantur Triennalis studii tempore etiam Ethicam edocere. Quarto Abbas Generalis ab officio absolutus toto tempore, quo a Superioritate vacabit, titulo Abbatis semper gaudebit, subditus nihilominus Priori suo Capitulum culparum non adibit, nec publicis correctionibus subiacebit, sed si corrigendus sit, id summa reverentia a Superiore privatim fiet. Ab officiis regularibus, quæ vel per hebdomadam disponantur, vel aliis omnibus per vices imponuntur, immunis sit, & ubique locorum post Superiorem localem immediate cæteros omnes, etiam Superiores præcedat, Sigillum peculiare ad firmandas Epistolas hujusmodi Abbati Titulari conceditur Localium Superiorum Sigillo simi-

De Lectoribus, & Studentibus.

De Abbate Titulari.

De quibusdam libris.

De celebratione Officiorum.

De Visitatoribus.

De Superiorum charitate.

De imperfectione Constitutionum.

Preces Vocatum, & causa Confirmationis.

Confirmatio relatorum Decretorum.

Clausula.

le, addita tamen in ejus summitate sola mitra, & cum hac inscriptione: *Sigillum Abbatis Titularis*. - Ejus porro Epistolae non videantur, nec aperiantur, nisi ab ipsis, ad quos mittantur. Duo Abbates hoc modo Titulares in eodem Monasterio non commorentur, nec eisdem nisi ab ipso Abbate Generali, aut de ejusdem consensu Monasteria assignentur. Si tamen ipsi ita petierint, concessum sit Visitatoribus Provincialibus, ut alio transgredi potestatem esse faciant. Quinto reimprimenda sunt Regulae Officialium, Nostrum Rituale, & Forma visitationis cum correctionibus in hoc Capitulo Generali approbatis. Sexto pro celebratione Officiorum servetur Tabella confecta circa distributionem horarum juxta Constitutiones, cum facultate tamen Abbati Generali, & Visitatoribus Provincialibus super ea dispensandi in aliquibus Monasteriis juxta illorum indigentiam. Septimo Visitatores tum Generales, tum Provinciales in sua visitatione statum omnium rerum tum Spiritualium, tam temporalium cujuscumque Monasterii perscrutentur juxta formam descriptam. Praecipuum tamen ipsis Visitatoribus, ne Monasterium residentiae Abbatis Generalis sine ejusdem participatione visitent, nec ipso inconsulto, quilibet promulgent Ordinationes; aut Cellam Secretarii praefati Abbatis Generalis visitent. Octavo Superiores locales teneantur singulis mensibus concedere suis Monachis prandium, seu coenam in aula hospitum, ut aliquantisper ab asperitatibus jejuniorum, aliisque regularis vitae oneribus alleviantur. Nono Abbas Generalis imprimere faciat hoc Triennio Constitutiones revisas, & a Capitulo Generali approbatas, & pro expensis committitur eidem Abbati Generali, ut una cum Confiliariis suis taxam determinet, & si expensae nimiae non fuerint, possit etiam cum suis Confiliariis taxam statuere pro rituali, & Regulis officialium cum forma Visitacionis imprimendis.

§. 2. Cum autem, sicut eadem expositio subiungebat, Decreta praefata vim Constitutionum habere non possint, nisi illis alterius securi memoratae Congregationis Capitulis Generalis confirmatio accedat, & propterea dicti Exponentes Decreta hujusmodi, quo eadem confirmatione minime expectata, non secus, ac Constitutiones ipsae inviolabiliter observentur, praesertim quia illorum postremo disponitur, ut Constitutiones praefatae novis typis quamprimum mandari debeant, Apostolicae confirmationis nostrae patrocinio communiri summopere desiderent: Nos ipsorum Exponentium votis hac in re quantum cum Domino possumus favorabiliter annuere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodati existunt ad effectum praesentium dumtaxat consequendum harum serie absolventes, & absolutos fore censentes, supplicationibus eorum nomine Nobis super hoc humiliter porrectis inclinati, de Venerabilium Fratrum Nostrorum S. R. E. Cardinalium negotiis, & consultationibus Episcoporum, & Regularium, praepositorum consilio Decreta praefata auctoritate Apostolica tenore praesentium approbamus, & confirmamus, illisque inviolabilis Apostolicae firmitatis robur adjicimus, ac omnes, & singulos Juris, & facti defectus, si qui desuper quomodolibet intervenerint, supplemus; Ita tamen, ut hujusmodi approbatio neque implicite, neque explicita extendi valeat ad alia, quam ad ea, quae per extensum superius exhibita, & inserta leguntur, ac salva semper in praemissis auctoritate Congregationis eorundem Cardinalium.

§. 3. Decernentes eandem praesentes literas, semper firmas, validas, & efficaces existere,

& fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit in omnibus, & per omnia plenissime suffragari, & ab eis respective inviolabiliter observari: Sicque in praemissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus praemissis, ac Constitutionibus, & Ordinationibus Apostolicis, necnon Congregationis Reformatae, & Ordinis praedictorum, etiam Juramento, confirmatione Apostolica, vel quavis firmitate alia roboratis, Statutis, & consuetudinibus; privilegiis quoque, Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac ad verbum insertis habentes, illis alias in suo robore permanentibus, ad praemissorum effectum hac vice dumtaxat specialiter, & expresse derogamus, caeterisque contrariis quibuscumque.

§. 5. Volumus autem, ut eorundem praesentium literarum transumptis, seu exemplis, etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique locorum habeatur, quae ipsis praesentibus haberetur, si forent exhibitae, vel ostensa.

Datum Romae apud S. Mariam Majorem sub Annulo Piscator. die XVII. Februarii MDCC. Pontificatus Nostri Anno Nono.

Conceditur Indulgentia plen. per modum suffragii in die Communionis generalis a PP. Jesuitis fieri solita semel in Mense Christifidelibus Regni Angliae.

Aliae Indulgentiae extant Alex. VIII. Const. ed. 1690. Mar. 30. P. 1. Et Bened. XIII. Const. ed. 1726. Sep. 23. P. 3.

INNOCENTIUS PAPA XII.

Ad futuram rei memoriam.

EXponi Nobis nuper fecit dilectus filius modernus Provincialis Provinciae Angliae Societatis Jesu, quod alias omnibus utriusque Sexus Christifidelibus vere poenitentibus, & confessis, qui aliquam dictae Societatis, vel quamcumque aliam Sacularem Ecclesiam ubicumque existentem una ex Dominicis cujuslibet mensis, qua Communio generalis sollicitudine dilectorum filiorum Clericorum Regularium ejusdem Societatis, & quo ad Ecclesias saeculares de licentia Ordinariorum locorum, illarumque Rectorum consensu ibidem ageretur, devote visitassent, & iidem Dominicis in aliqua ex praedictis Ecclesiis sanctissimum Eucharistiae Sacramentum sumpsissent, ibique pro Christianorum Principum concordia, haereticum extirpatione ac S. Matris Ecclesiae exaltatione pias ad Deum preces effudissent, plenaria omnium peccatorum suorum Indulgentia, & remissio, quam animabus Fidelium Defunctorum, quae Deo in charitate conjunctae ab hac luce migravissent, per modum suffragii applicare possent, auctoritate Apostolica concessa reperitur, & alias prout in Apostolicis desuper in simili forma Brevis exeditis literis, quarum tenore praesentibus pro ple-

CXXXIX.

Dat. 6. Martii 1600. An. 9.

Concessa fuit praed. Indulgentia in aliqua Mensium Dominica pro omnibus locis.